



BERPOTENSI: Tenaga pengajar UNIMAS (dari kiri) Nuraini Mahmud, Prof Madya Dr Hazlina Shaari dan Norhayati Suleiman bersama beg tidur mudah pakai era baharu yang mendapat pingat emas di BIS 2012. — Gambar Bernama

UNIMAS berusaha komersial beg tidur mudah pakai ciptaananya

KOTASAMARAHAN: Universiti Malaysia Sarawak (UNIMAS) berusaha mengkomersialkan produk ciptaananya iaitu beg tidur mudah pakai (Wearable Sleeping Bag) yang dijangka berada di pasaran pada tahun depan.

Naib Canselor UNIMAS Profesor Datuk Dr Khairuddin Ab Hamid yang mendekah perkara itu berkata, permintaan terhadap hasil ciptaan reka bentuk dan inovasi itu sememangnya sudah

ada.

“Beg tidur ini memang sudah ada permintaan di pasaran dan mungkin tahun depan ia dapat dipasarkan, cuma sekarang kami belum ada rakan industri atau kilangnya.

“Kami juga mendapati produk ini mendapat sambutan menggalakkan malah semasa di British Invention Show (BIS) 2012 di London pada Oktober lepas, sudah ada yang mula menunjukkan minat,” katanya pada sidang

media selepas majlis perasmian Persidangan Antara-bangsa Mengenai Reka Bentuk dan Inovasi di sini, semalam.

Namun kata Khairuddin, pihak universiti perlu mencari saluran yang baik serta mendapat manfaat yang sewajarnya sebelum ia dikomersialkan.

Kata beliau beg tidur itu mendapat permintaan tinggi kerana rekaan dan memenuhi keperluan termasuk dari

luar negara kerana ia juga sesuai untuk dibawa khasnya mereka yang dilanda bencana alam.

UNIMAS yang menghantar 11 produk termasuk beg tidur berkenaan di BIS 2012 yang diadakan pada 24 dan 27 Oktober ternyata mencatat satu lagi kejayaan apabila kesemuanya mendapat pingat emas dan tiga daripadanya turut menerima dua pingat emas.

“Selepas ini langkah kami

adalah untuk mengkomersialkan produk yang berpotensi dan mencari rakan industri yang berminat.

“Kami mungkin akan menjual hak milik produk 100 peratus kepada mereka yang berminat atau universiti akan membuat pembungkusan sendiri dengan kerjasama pihak rakan industri bagi membangunkan produk,” tegaskannya.

♦ Lihat muka 2

UNIMAS berusaha komersial beg tidur mudah pakai ciptaananya

► Dari muka 1

Khairuddin berkata, UNIMAS merancang memasarkan produk itu bukan sahaja di dalam negara tetapi di luar negara.

Bagaimanapun katanya, bagi melindungi hasil ciptaan produk, pihaknya akan membuat permohonan untuk paten kepada produk.

Manakala bagi produk yang perlu dikaji, UNIMAS akan terus membuat kajian untuk mencari pendekatan terbaik bagi sesuatu ciptaan sementara yang mampu dikomersialkan, pihaknya akan bekerjasama dengan industri.

Selain beg tidur, antara produk yang mendapat pingat emas di BIS 2012 adalah Aksesori Kereta Bio Buluh, i-Bamboo Veneer, Eco-Modart: Utilizing Sago Effluent for Natural Dye Process, Fire Resistant Sound Absorbing Sago Panel, Silcat: Biocatalyst for Biodiesel, Mobile Augmented Reality Solar System, Mobile ARUT Android Browser Version 1.0, TourScape: An Integrated Systematic Approach to Manage Tourism Destination's, Just Add Water-Chemical Assay Kit dan ENAICMS-Counseling Management System.

Turut hadir Presiden Majlis Reka Bentuk Malaysia Profesor Datuk Dr Ahmad Zainuddin dan Pengerusi Jawatankuasa Pengelola Profesor Dr Khairul Aidil Azlin Abdul Rahman.